

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Na osnovu tačke III Programa raspodjele namjenskih sredstava Ministarstva prostornog uređenja i zaštite okolice za 2020. godinu, a u vezi sa Odlukom o utvrđivanju uvjeta, kriterija i postupaka za raspodjelu namjenskih sredstava iz ekoloških naknada i Kantonalnim planom zaštite okoliša TK 2015 – 2020, Ministarstvo prostornog uređenja i zaštite okolice raspisuje:

JAVNI KONKURS
za sufinansiranje kapitalnih transfera općinama/gradovima (Podrška projektima u skladu sa
Kantonalnim planom zaštite okoliša TK 2015 – 2020)

1. Predmet javnog konkursa

Predmet javnog konkursa je prikupljanje prijave općina/gradova za sufinansiranje projekata, u skladu sa Kantonalnim planom zaštite okoliša TK 2015 – 2020., iz sljedećih oblasti:

1. zbrinjavanje i obrada svih vrsta otpada,
2. provedba energetskih programa javnih objekata i javnih sistema (toplifikacija, javna rasvjeta, provedba mjera energetske efikasnosti) i
3. unapređivanje i izgradnja infrastrukture za zaštitu okoliša.

2. Korisnici sredstava koji imaju pravo na podnošenje prijave

Pravo učešća na javnom konkursu imaju općine/gradovi sa područja Tuzlanskog kantona koji realiziraju projekte iz oblasti navedenih u predmetu Javnog konkursa na području svoje općine/grada.

3. Uvjeti kojima podnositelji prijave moraju udovoljavati

Projekti koji će se uzeti u razmatranje dostavljaju se na posebnom obrascu i treba da sadrže:

1. naziv projekta,
2. ciljevi projekta (na koji način doprinosi rješavanju problema),
3. detaljni opis projekta (opisati po fazama i po mogućnosti opisati sve projektne aktivnosti i dinamiku realizacije), sa eventualnom potrebnom prpratnom dokumentacijom (skice, planovi, crteži, fotografije, CD prezentacije i slično),
4. specifikaciju troškova sa visinom sredstava koje se potražuju od Ministarstva (navesti detaljnu specifikaciju),
5. rok realizacije projekta,
6. sufinansiranje projekta (navesti u procentima ukoliko ima sufinansiranja) sa dokazom – odluka nadležnog općinskog/gradskog organa),
7. usklađenost projekta sa Kantonalnim planom zaštite okoliša TK 2015 – 2020, i Planom upravljanja otpadom TK 2015. – 2020. (dati podatke i dokaze o usklađenosti sa navedenim planovima)
8. efekat realiziranja projekta za okoliš i stanovništvo i
9. podatke o kontakt osobi vezano za realizaciju projekta (ime i prezime, kontakt adresa, telefon i e-mail).

Neće se uzeti u razmatranje prijave općina/gradova koji ne dostave dokumentaciju za dokazivanje ispunjavanja uvjeta iz člana 4. Javnog konkursa i koji ne razrade projekat kako je definirano članom 3. Javnog konkursa.

4. Popis dokumenata koje je potrebno priložiti uz prijavu

Podnosioci prijave dužni su dostaviti slijedeću dokumentaciju kojom dokazuju ispunjavanje uvjeta:

1. Uvjerenje o poreskoj registraciji (ID broj),
2. Uvjerenje o izmirenim poreskim obavezama nadležnih organa – Poreske uprave i Uprave za indirektno oporezivanje zaključno sa 31.08.2020. godine,
3. Uvjerenje o izmirenim obavezama prema PIO/MIO i zdravstvenom osiguranju zaključno sa 31.08.2020. godine,
4. Projekat (obrazac ovjeren i potpisan od strane podnosioca) i
5. Odluka o sufinansiranju od nadležnog općinskog/gradskog organa.

Dokumenti se prilažu u originalu ili ovjerenoj kopiji.

5. Osnovni kriteriji odabira

Osnovni kriteriji odabira za općine/grad su:

- rok realizacije projekta (do 20 bodova),
- sufinansiranje projekta (do 20 bodova),
- usklađenost projekta sa Kantonalnim planom zaštite okoliša TK 2015 - 2020 i Planom upravljanja otpadom TK 2015. – 2020. (do 30 bodova),
- efekti realiziranja projekta za okoliš i stanovništvo (do 30 bodova).

6. Vrednovanje projekta

Prijedlog raspodjele sredstava daje komisija imenovana od strane ministra. Maksimalan iznos koji se po javnom konkursu općinama i gradovima može odobriti za projekat je 200.000,00 KM.

7. Opće odredbe

Općine/gradovi imaju pravo na Javni konkurs prijaviti jedan projekat. Prijave se predaju na adresu:

Tuzlanski kanton

Ministarstvo prostornog uređenja i zaštite okolice

Pisarnica Vlade TK (Rudarska br. 57, Tuzla),

**(sa naznakom: „ZA JAVNI KONKURS ZA DODJELU SREDSTAVA – KAPITALNI TRANSFERI
OPĆINAMA/GRADOVIMA – PODRŠKA PROJEKTIMA U SKLADU SA KANTONALNIM
PLANOM ZAŠTITE OKOLIŠA TK 2015 – 2020 – NE OTVARATI“)**

Rok za podnošenje prijave je 8 dana od dana objavljivanja Javnog konkursa. Javni konkurs za sufinansiranje kapitalnih transfera općinama/gradovima zajedno sa propisanim obrascem iz tačke 3. Javnog konkursa će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.